



ქალაქ ფოთის მუნიციპალიტეტის საკრებულო

დადგენილება № 15/19

2020 წლის 27 აგვისტო

ქალაქი ფოთი

საქართველოში ახალი კორონავირუსით გამოწვეული სოციალურ-ეკონომიკური მდგომარეობის გაუარესების გამო, ქალაქ ფოთის მუნიციპალიტეტში დასახლებული ტერიტორიის დასუფთავების მოსაკრებლის გადახდისაგან მოსახლეობისა და ზოგიერთი პირის (ფიზიკური და იურიდიული) გათავისუფლების შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „დ.ბ“ ქვეპუნქტის, 54-ე მუხლის პირველი პუნქტის „გ.დ“ ქვეპუნქტის, „ადგილობრივი მოსაკრებლების შესახებ“ საქართველოს კანონის მე-3 მუხლის პირველი პუნქტის, მე-4 მუხლისა და „კომუნალური გადასახადების სუბსიდირების წესისა და პირობების დამტკიცების შესახებ“ საქართველოს მთავრობის 2020 წლის 3 აპრილის №220 დადგენილების მე-6 მუხლის შესაბამისად, ქალაქ ფოთის მუნიციპალიტეტის

საკრებულო ადგენს:

მუხლი 1.

ქალაქ ფოთის მუნიციპალიტეტის მოსახლეობა სრულად გათავისუფლდეს 2020 წლის მარტის, აპრილის და მაისის თვის დასახლებული ტერიტორიის დასუფთავების მოსაკრებლის გადახდისაგან.

მუხლი 2.

ქალაქ ფოთის მუნიციპალიტეტის ტერიტორიაზე მოქმედი ზოგიერთი ფიზიკური და იურიდიული პირები, ორგანიზაციები და დაწესებულებები გათავისუფლდნენ დასახლებული ტერიტორიის დასუფთავებისათვის დაწესებული მოსაკრებლის გადახდისაგან 2020 წელს საქართველოში ახალი კორონავირუსის (COVID-19) მიერ გამოწვეული მდგომარეობის გამო დაწესებული შეზღუდვების მოქმედების პერიოდში, თანახმად დანართისა.

მუხლი 3.

ამ დადგენილებით გათვალისწინებულ პირებს, რომელთაც ამ დადგენილების პირველი და მეორე მუხლით გათვალისწინებულ პერიოდზე გადახდილი აქვთ მოსაკრებელი, გადახდილი თანხა აესახებათ სააბონენტო ბარათზე (რომელიც არ ექვემდებარება დაბრუნებას), გარდა ამ დადგენილების მე-4 მუხლით გათვალისწინებული შემთხვევისა.

მუხლი 4.

ამ დადგენილებით გათვალისწინებულ პირებს უფლება აქვთ უარი განაცხადონ მოსაკრებლის გადახდისაგან გათავისუფლებაზე. უარის თქმის შესახებ განცხადებით უნდა მიმართონ ქალაქ ფოთის მუნიციპალიტეტის მერიას ან/და ა(ა)იპ- ქალაქ ფოთის მუნიციპალიტეტის „სერვისების ცენტრს“.

მუხლი 5.

ეს დადგენილება ამოქმედდეს გამოქვეყნებისთანავე.



ბექა ვაჟარაძე

№	საქმიანობის სფერო
1	მუზეუმები, ბიბლიოთეკები, გალერიები, არქივები
2	კინოთეატრები და თეატრები, საკონცერტო დარბაზები
3	სკოლები, ინსტიტუტები, კოლეჯები, საბავშვო ბაგა-ბაღები, საგანმანათლებლო დაწესებულებები
4	სასტუმროები და სასტუმროს ტიპის საერთო საცხოვრებლები
5	სტადიონები, სპორტულ-გამაჯანსაღებელი დაწესებულებები და მანეჟები, საჯინიბოები, კორტები
6	სამრეწველო საქონლის მაღაზიები, ბირჟები, საიუველირო ანტიკვარიატის მაღაზიები
7	ყვავილების ღია და დახურული მაღაზიები
8	შერეული საქონლის ბაზრობები და საბითუმო ვაჭრობის საწყობები და მაცივრები
9	აბანოები, საუნები და საცურაო აუზები
10	სადალაქოები, სილამაზის სალონები და კოსმეტოლოგიის და ესთეტიკის ცენტრები
11	მცირე სამეწარმეო საქმიანობა შენობის შიგნით მიმდინარე წარმოებისას, საყოფაცხოვრებო მომსახურების ობიექტები
12	რესტორნები, პიცერიები, სასადილოები, კაფეები და ბარები
13	საბანკები დარბაზები, სარიტუალო მომსახურებისათვის
14	დისკოთეკები, ღამის კლუბები, კაზინოები, ტოტალიზატორები, სათამაშო და გასართობი ცენტრები
15	ღია ტიპის დასვენებისა და გასართობი თავშეყრის ადგილები, სკვერები, ბაღები, ატრაქციონები, მდინარეებზე, ტბებზე და ზღვის ფასიანი სანაპირო ზოლები
16	ავტო-ტექ დათვალიერება, ავტოსამრეცხაოები, პროფილაქტიკები
17	ოფისები, სააგენტოები (გარდა სახელმწიფო ორგნიზაციებისა და საქართველოს შესაბამისი დადგენილებით განსაზღვრული ეკონომიკური საქმიანობის განმახორციელებელი ობიექტები, მეწარმე სუბიექტები, რომლებსაც არ შეეზღუდათ ეკონომიკური საქმიანობა)
18	სტომატოლოგიური კლინიკები, სამედიცინო დაწესებულებები
19	ლომბარდები, მიკროსაფინანსო ორგანიზაციები, ვალუტის გადამცვლელი პუნქტები

საკრებულოს თავმჯდომარე



ბექა ვაჭარაძე